

E anga ana buoka Tiaman nakon ana tabo n tangoboki MTC

**E A TIA ana
Ambatita ae boou
Tiaman nakon
Kiribati ae
Ambassador
Gerhard
Thiedemann n
tiainaa ana buoka
abana nakon te
Kuura ni Kataneiai
ibukiaa Kaimoa,
Marine Training
Centre ae
\$ 1 4 , 5 0 0 . 0 0
mwaitina.**

Tetiaaina aio, e bon karaoaki imarenan Ambatita Gerhard Thiedemann, te Tia Koroboki n te Botaki ni Kammwakuri ao Karikirakean aia Konabwai Aomata ae Nei Bwakura Metutera Timeon ao ai te Kaben Superintendent n te Marine Training Centre ae Captain Malte Pertiet.

N ana kabwarabwara

Ambatita Thiedemann ao e taku bwa ana buoka Tiaman aio bon ibukin onobwaiian ao katamaroan ana tabo n tangoboki ke ana Library te kuura aio.

E mwaneweia naba ana Ambatita Tiaman aio bwa MTC, bon te rabwata teuana are ngaia ae e a tia ni buoka teimatoan te ikikina ao te reitaki imarenan Tiaman ma Kiribati, rinanon te waaki ni kammwakuri iaon kaibuke ni konteina irouia kaimoan Kiribati.

E ngaen anne ao ni butimwaeana anganano Tiaman aio ao e a anga ana kakaitau te Tia Koroboki ae Nei



E a nako kain te tiaaina ibukin ana buoka Tiaman nakon ana tabo n tangoboki MTC. Man te maing, Nei Bwakura Metutera Timeon, Ambatita Gerhard Thiedemann ao Captain Malte Pertiet

Bwakura, ike e a tei iai ibukin te Tautaeaka ni Kiribati ni karabwararabwa ibukin teimatoan ana buoka ao ana boutoka te Tautaeaka n Tiaman nakon Kiribati, rinanon ana buoka aika a mwaiti ni itera aika a kakaokoro, ao are e a manga anga naba nakon MTC.

N raonaki ma aio ao bon iai naba ana bwai n tangira te Ambatita

are e anga ibukin kateimatoan te takakaro ao te kamarurung irouia ataein MTC ao taan reirei, rinanon te takakaro ae te butiboro. Bon 2 taian booro ni butiboro ake e anga naba nakon Captain Malte n roko aio.

Iai naba ana bwai n tangira MTC nakon ana Ambatita Tiaman ao nakon naba ana Ambatita Switzerland,

are e bon raona ana kauatabo aio, ni kawara MTC n tawanoun te Kauabong te wiiki aei.

Imwiin aio ao a waaki n neweabaa MTC, taabo ni kataneiai ake a rereiakinaki iai kaimoa ao n rimwiiki ma te katawanou ma iruwa aika a rine aikai.